

ՆԱ ՏԵՍԵԼ Ի ԵՐԵՎԻ ԵՐԵՎԱՅԻՆ ՄԻ ՔԵՂԱՔ

(Պատմում է վաստակավոր ճարտարապետ Տիրան Մարությանը)

Գ ԵՂԵՏԻԿ է ասել հայ մեծ բանաստեղծը՝ ուղղված մեծ ճարտարապետին, երբ նա արդեն չկար: Իսկ մինչ այդ նա հասցրել էր ստեղծել իր հանձարեղ գլուխգործոցները, որոնց լիակատար իրականացումը, սակայն, մնաց հաջորդ սերունդներին:

Ճարտարապետական երկը, ըստ ամենայնի արժեքավորվում է, երբ կառուցվում, դառնում է իրականություն, իսկ նախագծումից մինչև իրականացումը տևում են տարիներ, երբեմն շատ տարիներ: Այս առումով ստեղծագործող ճարտարապետները այլ արվեստագետներից ակներև պակաս երջանիկ են, բանի որ շատ դեպքերում չեն հասցնում տեսնել իրենց մտահղացումների ամբողջակալի իրականացումը: Այդպես ստացվեց նաև մեծատաղանդ ճարտարապետ Ալեքսանդր Թամանյանի հետ: Նա երկար

աշխատեց Երևանի գլխավոր հատակագծի առանձին հանգույցների, թաղամասերի ու կանաչ տարածությունների, փողոցների ու հրապարակների լուծումների կատարելագործման վրա, այդ գործում ցուցաբերելով սկզբունքայնություն, կյանքի և արվեստի պահանջների նկատմամբ մեծագույն ուշադրություն: Բաղաբների կառուցումը չի ավարտվում մի սերընդի կյանքի ընթացքում, այն երկարում է, շարունակվում անընդհատ ու շարունակաբար ընդարձակվում, ընդունում է նոր պարագծեր:

Թամանյանից հետո անցել է շուրջ 32 տարի: Այդ ժամանակաընթացքում Երևանը մի բանի անգամ ընդարձակվել է: Իրականություն են դարձել մեծ քաղաքաշինարարի վսեմ մտահղացումները, իսկ որոշ ծրագրեր դեռ նոր են իրականացվելու: Ահա Շահումյանի պուրակի շարունակությունը նույնանուն հրապարակից մինչև Կարմիր բանակի փողոցը, որի վերջավորության վրա՝ նոր ձևավորվելիք հրապարակում, կանգնեցվելու է հայ ժողովրդի պանծալի գավաթ, Լենինի աջակերտ ու գինակից Ալեքսանդր Մյասնիկյանի հուշարձանը: Կիրովի անվան մանկական այգին, որը հիշյալ պուրակի աջակողմում է, ստորերկրյա անցումով հաղորդակցվելու է Կոմունարների անվան այգու հետ: Սրանք Թամանյանի մտահղացումներից են, որոնք մինչև օրս պահպանում են իրենց ուժը:

Երևանի բուն կենտրոնում իր իրականացմանն է սպասում Հյուսիսային պողոտան, որը Թամանյանի մտահուսգմամբ պիտի հանդիսանա կապ՝ Լենինի անվան հրապարակի և օպերայի ու բալետի շինության շուրջը կազմակերպող կուլտուրայի հրապարակի միջև: Հյուսիսային պողոտայի շարունակությունը դեպի հյուսիս՝ Թամանյանի անվան փողոցի վեոջավորությունից սկսած կբարձրանա մինչև Սովետական Հայաստանի 50-ամյակին նվիրված կոթող: Այստեղ կկազմավորվի մի շքեղ միջավայր, որի մտապատկերը պիտի տեսնել Չարենցի՝ Թամանյանի անմահ հիշատակին նվիրված բանաստեղծության մի հատվածում.

Ակնթարթում մի վսեմ, որ
 Երկարում է ուրեր,
Փողփողում են ուղեղում—սիրտ
 պառթելու չափ ապրճառ—
Սյունաշարքե՛ր, տեռասնե՛ր,
 աստիճաններ մարմարե,
Եվ պարտեզներ ոսկեզօծ,
 շատրվաններ երգաձայն...

Նման մի շքեղ միջավայր էլ պետք է ստեղծվեր մեծ համերգասրահի շուրջը, որը, սակայն, երկու պողոտաների խաչմերուկներով վերաձվեց առանձին-առանձին հատվածների: Ուզում ենք հավատալ, որ ոչ հեռու ապագայում պողոտաների այդ խաչմերուկը կդառնա ստորերկրյա, և Թամանյանի այս սքանչելի մտահղացումը նորից կյանք կառնի՝ պուրակը կամրողջանա, կստանա բովանդակություն:

Օպերայի շենքը հիմնականում կառուցվել է համապատասխան Թամանյանի մտահղացմանը, բայց դեռ անելիքներ կան, որ այն լինի լիակատար: Որքան էլ մեծ լինեն դժվարությունները, շինության բետոնակերտ վերնամասը պետք է ծածկվի Փամբակի «խարտյաշ» գրանիտով: Այդ դեպքում այն կհնչի ամբողջ ուժով և երկնքի ու կանաչ սարալանջի ֆոնի վրա կկերկայանա ինչպես հեթիաթում, այնպես, ինչպես երագում էր տեսնել Թամանյանը:

Մեծ մտածողների հանձարեղ մտահղացումները ժողովրդի սեփականությունն են և նա էլ դրանք շարձնում է ոճալ իրականություն: Իրականություն կդառնան նաև Թամանյանի բոլոր արևաշատ մտահղացումները:

Զրույցը ճարտարապետների հետ վարեց ՍԵՅՐԱՆՈՒՎԻ ՔԵՂԱՄՅԱՆԸ